

- Izvještaj o aktivnostima Uprave policije MUP-a Kantona Sarajevo za period januar – septembar 2012.godine -

KRIMINALITET

Kriminalitet na području Kantona Sarajevo u periodu januar - septembar 2012. godine u odnosu na period januar–septembar 2011. godine, posmatrano kroz statističke pokazatelje, karakteriše smanjenje broja, registrovanih djela za 8%, prijavljenih lica za 3,1%, maloljetnih izvršilaca za 20,2%, povratnika u činjenju krivičnih djela za 1,8% i lica lišenih slobode za 9%.

U periodu januar – septembar 2012. godine, registrovana su 4.954 krivična djela, što je za 431 djelo ili 8% manje u odnosu na uporedni period.

U 1.572 slučaja (31,7% od ukupnog broja), krivična djela su izvršena od strane poznatih izvršilaca, a 3.382 (ili 68,3%) od strane nepoznatih, od kojih su za 1.568 naknadno identifikovani izvršioци (ili 46,4% od ukupnog broja prijavljenih djela po nepoznatom).

Iz naprijed navedenog proizilazi da su pripadnici Uprave policije u izvještajnom periodu, za ukupno 3.140 krivičnih djela identifikovali osumnjičene izvršioce ili 63,4%, što je za 2,8% više u odnosu na uporedni period. (tabela 2. i 3.)

Za izvršenje navedenih djela prijavljeno je 2.541 lice, od kojih je 1.707 povratnika (ili 67,2% prijavljenih), a 1.089 lica je lišeno slobode (ili 42,8%).

Tabelarni pregled osnovnih pokazatelja kriminaliteta po mjesecima
u periodu januar – septembar 2012. godine

mjesec 2012.godine	jan.	feb.	mart	april	maj	juni	juli	avg.	sept.	9 mj
broj krivičnih djela	535	405	560	622	589	534	563	597	549	4.954
broj rasvijetljenih djela	341	281	363	420	379	337	318	362	339	3.140
% ukupne "rasvijetljenosti" KD	63,7%	69,4%	64,8%	67,5%	64,3%	63,1%	56,5%	60,6%	61,7%	63,4%
broj prijavljenih lica	288	205	295	299	303	289	286	293	283	2.541
broj povratnika	196	145	211	206	183	192	200	198	176	1.707
broj lica lišenih slobode	114	91	122	126	126	127	125	148	110	1.089

U odnosu na uporedni period, smanjen je broj prijavljenih lica za 80 (ili 3,1%), povratnika za 31 (ili 1,8%) i lica lišenih slobode za 108 (ili 9%).

U ovom periodu za 1.168 službenih izvještaja, od strane Kantonalnog tužilaštva, donesena je naredba o obustavi i neprovođenju istrage (366 ili 23,9% manje).

Uporedni pokazatelji stanja kriminaliteta na području Kantona Sarajevo
u periodu januar – septembar 2012/11. godine prema glavama Krivičnog zakona FBiH-a i BiH-a

KRIVIČNA DJELA	januar- septem. 2012.	jan.- sept. 2011.	uporedba br.KD		“rasvijetljenost”	
			+ / -	%	br. KD	%
Protiv ustavnog poretka Federacije	0	3	-3	---	0	---
Protiv života i tijela	164	142	22	15,5%	153	93,3%
Protiv slobode i prava čovjeka i građanina	171	175	-4	-2,3%	164	95,9%
Protiv spolne slobode i morala	9	20	-11	-55%	8	88,9%
Protiv braka, porodice i mladeži	180	169	11	6,5%	180	100%
Protiv zdravlja ljudi	211	161	50	31,1%	211	100%
Protiv privrede, poslovanja i sigurnosti pla.	4	10	-6	-60%	4	100%
Iz oblasti radnih odnosa	1	0	1	---	1	100%
Protiv imovine	3.688	4.138	-450	-10,9%	1.928	52,3%
Protiv okoliša	14	5	9	180%	12	85,7%
Protiv opće sigurnosti ljudi i imovine	98	118	-20	-16,9%	77	78,6%
Protiv sigurnosti javnog prometa	46	59	-13	-22%	46	100%
Protiv pravosuđa	16	15	1	6,7%	20	125%
Protiv javnog reda i pravnog prometa	263	267	-4	-1,5%	247	93,9%
Protiv podmić. i kd protiv sl. i druge odgo..	13	14	-1	-7,1%	13	100%
Protiv privrede i jedin. tržišta te...(KZBiH)	0	2	-2	---	0	---
ZONDINOM-a (Sl.novine KS br.38/07)	76	87	-11	-12,6%	76	100%
UKUPNO	4.954	5.385	-431	-8%	3.140	63,4%

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

Tokom izvještajnog perioda prijavljena su 164 krivična djela protiv života i tijela (22 više u odnosu na isti period 2011. godine) od kojih je za 153 ili 93,3% poznat izvršilac (povećanje za 1%).

Zbog postojanja osnova sumnje da su ih počinili podneseni su službeni izvještaji protiv 185 lica (pet više), a 78 je lišeno slobode (osam više).

Evidentirana su slijedeća krivična djela: - ubistvo – tri djela (jedno manje), ubistvo u pokušaju – 12 djela (pet manje), teška tjelesna ozljeda – 81 (osam više), lahka tjelesna ozljeda – 60 (19 više) i učestvovanja u tuči – osam djela (jedno više).

Krivična djela **ubistvo u pokušaju** izvršena su upotrebom vatrenog oružja - sedam puta, upotrebom noža – četiri i tvrdog predmeta – jednom, i to:

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 171 djelo (četiri manje) i to: ugrožavanje sigurnosti – 167 djela, protupravno lišenje slobode – dva, otmica i narušavanje nepovredivosti doma – po jedno djelo.

Zbog izvršenja navedenih djela prijavljeno je 171 lice od kojih je 107 povratnika u činjenju krivičnih djela (ili 62,6%), a 47 je lišeno slobode. Sva djela ugrožavanja sigurnosti počinjena su upućivanjem verbalnih prijetnji koje su izazvale uznemirenje oštećenih.

KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala prijavljeno je devet djela (11 manje) i to: bludne radnje – šest i silovanje – tri djela. Za izvršenje djela iz ove oblasti prijavljeno je 11 lica, koja su uz službene izvještaje predana nadležnom tužilaštvu.

KRIVIČNA DJELA PROTIV BRAKA, PORODICE I MLADEŽI

U ovoj oblasti registrovano je 180 krivičnih djela (11 više) i to: - nasilje u porodici 177, oduzimanje djeteta ili maloljetnika – dva i izvanbračna zajednica s mlađim maloljetnikom – jedno djelo. Službeni izvještaji podneseni su protiv 182 lica od kojih su 184 lišena slobode.

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi prijavljeno je 211 krivičnih djela (50 više) i to:

- neovlašćena proizvodnja i stavljanje u promet opojnih droga – 34 djela (pet manje) i
- posjedovanje i omogućavanje uživanja opojnih droga – 177 djela (55 više).

Zbog postojanja osnova sumnje da su ih počinili podneseni su službeni izvještaji protiv 223 lica (44 više), od kojih su 152 povratnika ili 68,2%, a 119 je lišeno slobode (46 više).

Po nalogu tužilaca Kantonalnog tužilaštva Kantona Sarajevo podneseno je 156 zahtjeva za vještačenje nepoznate materije koja asocira na drogu (19 manje). Takođe s ciljem pronalaženja narkotičkih sredstava izvršen je pregled 113 lica (osam manje), 55 stambenih objekata (četiri manje) i većeg broja automobila po usmenim naredbama Opštinskog suda u Sarajevu.

Pregled oduzete opojne droge

VRSTA OPOJNE DROGE	JANUAR-SEPTEMBAR 2012. GODINE	JANUAR-SEPTEMBAR 2011. GODINE
Marihuana (u gramima)	41.267,27	56.815,00
Marihuana (paketići)	283	385
Marihuana (JOINT–cigarete,kom.)	18	15
Heroin (paketići)	44	35
Heroin (u gramima)	2.389,00	2.758,00
Ecstasy (tablete)	---	28
Cannabis sativa (stabljike)	85	24
Cannabis sativa (sjeme)	3	---
Kokain (u gramima)	10,00	35
Kokain (paketići)	6	26
Amfetamin (u gramima)	427,00	3.928,00
Amfetamin (paketići)	89	131
NN tablete (kom.)	72	---
“miks masa”	---	6.000,00
Pribor sa ostacima droge	58	54

U ovom periodu pripadnici Uprave policije sproveli su niz efikasnih akcija na presijecanju “lanaca” trgovine opojnim drogama, u kojima su zaplijenili veće količine opojnih droga (Marihuana - 41,2 kg, Heroin - 2,3 kg, Amfetamin – 0,4 kg, itd.), identifikovali i slobode lišili ukupno 40 lica zbog postojanja osnova sumnje da su počinili krivično djelo iz člana 238. KZ FBiH-a – neovlašćena proizvodnja i stavljanje u promet opojnih droga.

KRIVIČNA DJELA PROTIV PRIVREDE, POSLOVANJA I SIGURNOSTI PLATNOG PROMETA

Iz oblasti krivičnih djela protiv „privrede“ prijavljena su četiri djela (šest manje) i to prijevarena u privrednom poslovanju – tri i obmana pri dobijanju kredita ili drugih pogodnosti – jedno djelo, za čije izvršenje su prijavljena dva lica.

Takođe, izvršenjem krivičnih djela iz ove oblasti i krivičnih djela koja su u vezi sa „privrednim kriminalom“, a svrstana su u druge Glave KZFBiH-a i to: prijevarena – 20, pronevjera u službi – šest, nesavjestan rad u službi - tri, zloupotreba položaja ili ovlaštenja i davanje lažnog iskaza – po jedno djelo, a koja su prijavljena u prvih devet mjeseci 2012. godine, nastupila je materijalna šteta u ukupnom iznosu od 405.435,89 KM.

Pregled nastale materijalne štete izvršenjem krivičnih djela iz oblasti protiv „privrede“

“SUBJEKTI”	januar - septembar 2012. godine	januar - septembar 2011. godine
PRIVREDNI SUBJEKTI	247.178,69 KM	195.399,82 KM
BUDŽET FBiH	---	92.900,00 KM
FIZIČKA LICA	158.257,20 KM	113.498,99 KM
UKUPNO	405.435,89	401.798,81 KM

KRIVIČNA DJELA PROTIV IMOVINE

U ovoj oblasti registrovano je 3.688 djela što je za 450 ili 10,9% manje. Broj krivičnih djela iz ove oblasti čini 74,4% ukupnog kriminaliteta što predstavlja smanjenje u odnosu na uporedni period za 2,4%, kada su „imovinski delikti“ činili 76,8% od ukupnog broja krivičnih djela.

Najbrojnija djela iz ove oblasti su: teške krađe – 2.378 (418 manje), krađe – 587 (13 manje), razbojništva – 342 (18 više), oštećenje tuđe stvari – 144 (dva manje), teška krađa u pokušaju – 58 (34 manje), prijevarena – 54 (šest više), prikriivanje – 46 (12 manje), utaja – 41 (15 više), razbojnička krađa – pet (isti broj), itd.

Za ukupno 1.928 djela ili 52,3% identifikovani su osumnjičeni izvršioc, što je u odnosu na isti period prethodne godine, povećanje za 1,8%.

Objekti vršenja krivičnih djela protiv imovine najčešće su bila motorna vozila (otuđenja pmv i “provale” u ista) - 970 puta (119 više), stambeni objekti –737 (398 manje), poslovni prostori i prodavnice – 435 (91 manje), itd., pri čemu je otuđivan novac, motorna vozila, tehnička roba, zlatni nakit, auto-dijelovi, cigarete, itd.

Tokom izvještajnog perioda na području Kantona Sarajevo izvršeno je 580 krivičnih djela teških krađa motornih vozila, od čega je 180 ili 31% vraćeno što je za 1,1% više u odnosu na isti period prošle godine. (tabela 8.)

Od strane policije MUP Kantona Sarajevo vraćena su 94 vozila, MUP RS-a – 23, drugih MUP-ova i uz novčanu nadoknadu – po pet, a 53 vozila vlasnici su sami pronašli.

U odnosu na uporedni period broj otuđenih vozila, povećan je za 179 ili 44,6%. (tabela 9.)

Zbog postojanja osnova sumnje da su učestvovali u otuđenju motornih vozila nadležnom tužilaštvu podneseni su službeni izvještaji protiv 58 lica od čega je 49 povratnika u činjenju krivičnih djela ili 84,5%.

Na području Kantona Sarajevo u periodu januar – septembar ove godine registrovana su 342 krivična djela razbojništva (18 ili 5,6% više).

Razbojništva su počinjena u prodavnicama - 135 puta, na ulici – 103, sportskim kladionicama –50, na benzinskim pumpama – 21 put, apotekama – šest, itd.

Navedena djela izvršena su prijetnjom upotrebe vatrenog oružja – 118 puta, prijetnjom i upotrebom noža ili drugog oštrog predmeta – 85 i upotrebom fizičke snage – 139 puta.

Za ukupno 182 ova djela ili 53,2%, identifikovan je osumnjičeni izvršilac što je za 5,7% više u odnosu na isti period 2011. godine.

Nasilno oduzimanje mobitela i nakita direktno se odražava i na broj teških krađa na naročito opasan ili naročito drzak način. Evidentirano je 290 djela ove vrste (49 manje), od čega je 188 ili 64,8% „rasvjetljeno“ (12,6% više).

Za izvršenje ovih oblika teških krađa, prijavljena su 104 lica (12 više), od kojih je 90 povratnika (ili 86,5%), a 45 je lišeno slobode.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 98 djela (20 manje) i to: izazivanje opće opasnosti – 83 djela, nesavjesno čuvanje pasa i drugih opasnih životinja – 10, teška djela protiv opće sigurnosti ljudi i imovine – tri djela i izazivanje opće opasnosti u pomaganju – dva djela.

Zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv 76 lica, od čega je 50 povratnika (ili 65,8%), a 46 je lišeno slobode.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovana su 263 krivična djela (četiri manje) i to: nasilničko ponašanje - 129 djela, skidanje ili povreda službenog pečata ili znaka – 38, nedozvoljeno držanje oružja ili eksplozivnih materija – 36, krivotvorenje isprave – 25, napad na službenu osobu u vršenju poslova sigurnosti – 23, itd.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 298 lica, od kojih su 182 povratnika (ili 61,1%), a 115 je lišeno slobode.

KRIVIČNA DJELA POČINJENA OD STRANE MALOLJETNIH LICA

U periodu januar- septembar 2012. godine **prijavljena su 154 maloljetnika** zbog osnova sumnje da su samostalno ili u grupi **izvršili 243 krivična djela**. U poređenju sa istim periodom 2011. godine, broj krivičnih djela za čije izvršenje su prijavljena maloljetna lica smanjen je za 133 ili 35,4%, a broj prijavljenih maloljetnih počinitelja ovih djela smanjen je za 39 ili 20,2%. Međutim, smanjenje broja krivičnih djela za čije izvršenje su prijavljeni maloljetnici odnosi se uglavnom na krivična djela protiv imovine (smanjenje za 37,4%), dok je broj najtežih krivičnih djela, odnosno djela protiv života i tijela neznatno smanjen (za dva ili 11,1%). U proteklom periodu 17 maloljetnih lica prijavljeno je za izvršenje 16 krivičnih djela iz ove oblasti, a radi se o jednom djelu ubistva u pokušaju, osam teških i sedam lakih tjelesnih povreda.

Među maloljetnim počiniocima krivičnih djela, najveći broj je u dobi od 14 do 16 godina (74), dok je povratnika u izvršenju krivičnih djela 54 (ili 35,1%).

Pregled broja maloljetnih izvršilaca krivičnih djela za period januar-septembar 2012. godine, prema starosnoj strukturi

Starosna struktura maloljetnika	do 14 godina	od 14 do 16	od 16 do 18	ukupno
Broj maloljetnih počinitelja	17	74	63	154

Posmatrano po organizacionim jedinicama MUP-a Kantona Sarajevo i broju službenih izvještaja koji su podneseni nadležnom tužilaštvu protiv maloljetnih počinitelja krivičnih djela u proteklih devet mjeseci 2012. godine, može se konstatovati da su maloljetnici najveći broj krivičnih djela izvršili na području **općina Centar (65 ili 26,7%), Ilidža (65 ili 26,7%) i Novi Grad (46 ili 18,9%)**.

Podaci sa kojima raspolažemo ukazuju na raznolikost krivičnih djela za koja su prijavljeni maloljetnici, ali su ipak **najbrojnija krivična djela protiv imovine-186 (ili 76,5%)**, pri čemu prevladavaju teške krađe (**79 ili 42,5%**). U odnosu na isti period prošle godine, u proteklih devet

mjeseci smanjen je broj krivičnih djela razbojništva (za 41 ili 68,3%), teških krađa (za 22 ili 21,8%), teških krađa na naročito drzak i opasan način (za 31 ili 53,4%), i krađa (za devet ili 18,8%).

Od ostalih krivičnih djela, maloljetna lica prijavljena su za izvršenje 13 djela posjedovanja opojne droge, 12 djela nasilničkog ponašanja, šest djela oštećenja tuđe stvari, pet djela ugrožavanja sigurnosti, tri djela izazivanja opće opasnosti, dva djela napada na službenu osobu u vršenju poslova sigurnosti, po jedno djelo nedozvoljenog posjedovanja eksplozivnih naprava i posjedovanja vatrenog oružja bez odobrenja, stavljanja u promet opojnih droga, i dr.

Pregled registrovanih krivičnih djela izvršenih od strane maloljetnih lica
za period januar- septembar 2012/2011. godine

Naziv krivičnog djela	jan.-sept. 2012.	jan.-sept 2011.	Uporedba
Ubistvo u pokušaju	1	2	-1 ili -50%
Teška tjelesna povreda	8	9	-1 ili -11,1%
Lahka tjelesna povreda	7	6	+1 ili 16,7%
Učestvovanje u tuči	0	1	-1 ili -100%
Ugrožavanje sigurnosti	5	16	-11 ili -68,8%
Bludne radnje	0	1	-1 ili -100%
Iskorištavanje djeteta ili mladb radi pornografije	0	1	-1 ili -100%
Nasilje u porodici	0	4	-4 ili -100%
Neovlaš. proizvod. i stav. u promet opojnih droga	1	0	+1
Posjedov. i omoguć. uživanja opoj. droga	13	10	+3 ili 30%
Krađa	39	48	-9 ili -18,8%
Krađa-pokušaj	1	0	+1
Krađa-pomaganje	1	0	+1
Teška krađa	79	101	-22 ili -21,8%
Teška krađa-pokušaj	8	12	-4 ili -33,3%
Teška krađa na naroč. opasan ili naročito drzak način	27	58	-31 ili -53,4%
T. krađa na nar. opas. ili nar. drzak način- saučiniteljstvo	0	2	-2 ili -100%
T. krađa na nar. opas. ili nar. drzak način- pokušaj	1	0	+1
Razbojništvo	19	60	-41 ili -68,3%
Razbojništvo- pokušaj	1	5	-4 ili -80%
Razbojništvo-pomaganje	1	0	+1
Oštećenje tuđe stvari	6	8	-2 ili -25%
Utaja	1	2	-1 ili -50%
Pomoć učinitelju poslije učinjenog krivičnog djela	0	1	-1 ili -100%
Paljevina	0	1	-1 ili -100%
Šumska krađa	1	0	+1
Prikrivanje	2	0	+2
Izazivanje opće opasnosti	3	6	-3 ili -50%
Lažno prijavljivanje	2	0	+2
Napad na sl. osobu u vršenju poslova sigurnosti	2	0	+2
Nasilničko ponašanje	12	16	-4 ili -25%
Nedozvoljeno držanje oružja i eksp. Materija	1	0	+1
Krivotvorenje isprave	0	2	-2 ili -100%
Povreda mira pokojnika	0	1	-1 ili -100%
ZON DINOM (čl. 52)	1	3	-2 ili -66,7%
ukupno	243	376	-133 ili -35,4%

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U periodu januar-septembar 2012. godine na području **Kantona Sarajeva** registrovano je **12 slučajeva aktiviranja minsko-eksplozivnih sredstava** (17 ili 58,6% manje u odnosu na isti period 2011. godine), od kojih je 11 izazvano namjerno. Od posljedica eksplozija povrijeđena su

dva lica, a pričinjena je i materijalna šteta na stambenim i poslovnim objektima i na putničkim vozilima. Eksplozije su se dogodile na području općina: Novi Grad -pet, Centar-četiri, Novo Sarajevo, Stari Grad i Ilijaš- po jedna. U pet slučajeva namjernog izazivanja eksplozija počinioci su identifikovani i protiv njih su preduzete zakonske mjere. Takođe, početkom godine identifikovana su tri lica koja su u mjesecu junu 2011. godine aktivirala eksplozivnu napravu ispod putničkog vozila na području općine Stari Grad.

U proteklom periodu prijavljena su dva slučaja bacanja flaše sa zapaljivom materijom- na putničko vozilo i u baštu ugostiteljskog objekta (nije se zapalila), a evidentirani su i slučajevi postavljanja ručne bombe na putničko vozilo kao i u dvorište porodične kuće. U toku su aktivnosti na rasvjetljavanju ovih slučajeva i pronalaženju počinitelja.

Registровано je devet anonimnih dojava o postavljenoj eksplozivnoj napravi (21 manje u odnosu na isti period 2011. godine) od kojih su se četiri odnosile na srednje škole na području Kantona Sarajevo. Nakon izvršenog KDZ pregleda utvrđeno je da su dojave bile lažne. Preduzimajući aktivnosti na otkrivanju slučajeva anonimnih dojava u proteklom periodu, policijski službenici su identifikovali dva lica i protiv njih su preduzete zakonske mjere.

POŽARI

U toku perioda januar-septembar 2012. godine, na području Kantona Sarajevo registrovano je 138 požara (20 više) koji su za posljedicu imali materijalnu štetu. Požari su registrovani na području općina: Stari Grad – 38, Ilidža – 20, Vogošća – 18, Novi Grad – 16, Novo Sarajevo- 14, Hadžići – 12, Centar- osam, Trnovo i Ilijaš – po šest požara. Prema statističkim pokazateljima, 74 požara su izazvano namjerno, 12 zbog tehničkih nedostataka, pet nehatom, dok uzrok 47 požara spada u kategoriju ostalih. Zbog izazivanja požara, nadležnom tužilaštvu su podnesena 33 službena izvještaja: 31 iz člana 323 KZ FBiH (izazivanje opće opasnosti) i dva iz člana 301 KZ FBiH (paljevina).

SAMOUBISTVA

Tokom prvih devet mjeseci 2012. godine na području Kantona Sarajevo registrovano je 27 samoubistava (jedno više), počinjenih na slijedeće načine: vješanjem – 19 puta, skakanjem sa visine – tri, upotrebom vatrenog oružja – dva, presijecanjem vena, strujnim udarom i trovanjem – po jednom.

Samoubistva su izvršena na području općina Novi Grad – 10, Ilidža – pet, Stari Grad – četiri, Hadžići i Vogošća – po tri i Novo Sarajevo - dva. Prema spolu, izvršiooci su 16 muškaraca i 11 žena, od kojih su četiri lica u dobi do 20 do 30 godina, devet lica u dobi od 30 do 50 godina i 14 lica u dobi preko 50 godina.

JAVNI RED I MIR

U oblasti javnog reda i mira u proteklih devet mjeseci 2012. godine, a na osnovu broja uručenih prekršajnih naloga i podnesenih zahtjeva za pokretanje prekršajnog postupka, na području Kantona Sarajevo evidentirano je **3.880 prekršaja** (1.269 ili 24,6% manje), koja je počinilo **4.296 lica** (1.289 ili 23,1% manje). Od ukupnog broja evidentiranih prekršaja, 3.438 ili 85,8% odnosi se na prekršaje utvrđene Zakonom o prekršajima protiv javnog reda i mira, a 442 ili 14,2% na prekršaje prema Odluci općinskih vijeća.

Prilikom narušavanja javnog reda i mira u periodu januar-septembar 2012. godine, u slučajevima kada se radilo o prekršajima, jedno lice je teže povrijeđeno (u istom periodu 2011. godine nijedno), dok su lakše povrijeđena 299 lica (73 ili 19,6% manje).

Od ukupnog broja prekršajnih sankcija, 424 ili 10,9% se odnose na lica koja su i ranije činila prekršaje (povratnici), 100 ili 2,6% na maloljetna lica i devet ili 0,2% na strane državljane. S obzirom na starosnu strukturu lica protiv kojih su u proteklih devet mjeseci ove godine uručeni prekršajni nalozi i podneseni zahtjevi za pokretanje prekršajnog postupka (ukupno 4.296), najveći broj je onih starosne dobi preko 36 godina (2.131), zatim starosti između 26 i 35 godina (1.263) i između 19 i 25 godina (757), te maloljetnih lica (145).

U periodu januar-septembar 2012. godine, prema prikazanim pokazateljima o broju evidentiranih prekršaja iz oblasti javnog reda i mira, u odnosu na isti period 2011. godine, na području **šest općina** došlo je do **smanjenja broja prekršaja**.

Od **3.438 evidentiranih** prekršaja iz Zakona o prekršajima protiv javnog reda i mira zbog kojih su u periodu januar-septembar 2012. godine uručeni prekršajni nalozi i podneseni zahtjevi za pokretanje prekršajnog postupka, **najbrojnija su prosjačenja** - 1.237; zatim tuče -670; naročito drsko ponašanje -580; odbijanje naređenja i omalovažavanje policijskih službenika – 348; svađa, vika, nepristojno ponašanje – 106; paljenje petardi – 21; neovlaštena upotreba oružja – 2; uživanje opojne droge na javnom mjestu – 1 i ostali prekršaji iz Zakona – 473.

Tabelarni pregled strukture prekršaja iz oblasti javnog reda i mira za koja su uručeni prekršajni nalozi i podneseni zahtjevi za pokretanje prekršajnog postupka za period januar-septembar 2012./2011.godina

STRUKTURA PREKRŠAJA	jan.-sept. 2012.	jan.-sept. 2011.	uporedba
<i>-Tuče</i>	670	895	-225 ili -25,1%
<i>-Naročito drsko ponašanje</i>	580	781	-201 ili -25,7%
<i>-Odbijanje naređenja i omalov. služb. policije</i>	348	369	-21 ili -5,7%
<i>-Svađa, vika, nepristojno ponašanje</i>	106	141	-35 ili -24,8%
<i>-Neovlaštena upotreba oružja</i>	2	1	+1 ili 100%
<i>-Paljenje petardi</i>	21	8	+13 ili 162,5%
<i>-Prosjačenje</i>	1.237	1.816	-579 ili -31,9%
<i>-Uživanje opojne droge na javnom mjestu</i>	1	0	+1
<i>-Ostali prekršaji iz Zakona o JRiM</i>	473	594	-121 ili -20,4%
Ukupno prekršaja iz Zakona o JRiM	3438	4.605	-1167 ili -25,3%
Prekršaji prema Odluci općinskih vijeća	442	544	-102 ili -18,8%
Ukupno svih prekršaja	3.880	5.149	-1269 ili -24,6%

U odnosu na isti period 2011. godine, broj narušavanja javnog reda i mira počinjenih paljenjem petardi, neovlaštenom upotrebom oružja i uživanjem opojne droge na javnom mjestu je povećan, dok je smanjen broj prekršaja počinjenih tučama, naročito drskim ponašanjem, odbijanjem naređenja i omalovažavanjem policijskih službenika, prosjačenjem, svađom, vikom, nepristojnim ponašanjem, a smanjen je i broj ostalih prekršaja, kao i prekršaja prema Odluci općinskih vijeća.

Najveći broj prekršaja počinjen je na ulici i drugim otvorenim prostorima – 3.187 (ili 83,9%); ostalim mjestima – 307 (ili 7,9); ugostiteljskim objektima – 248 (ili 4,9%); školama i školskim dvorištima – 54 (ili 1,4%); sportskim stadionima i dvoranama – 34 (ili 0,59%); trgovinskim i zanatskim radnjama – 30 (ili 0,8%) i vozilima javnog saobraćaja – 20 (ili 0,5%).

U odnosu na period januar-septembar 2011. godine, povećan je broj prekršajnih sankcija zbog prekršaja kojima se narušava javni red i mir na sportskim terenima, u školama i školskim dvorištima i u trgovinskim i zanatskim radnjama, dok je broj prekršaja počinjenih na svim ostalim mjestima smanjen.

Pored prekršajnih sankcija, policijski službenici su zbog krivičnih djela počinjenih u školama i školskim dvorištima nadležnom tužilaštvu podnijeli 28 službenih izvještaja (dva manje u odnosu na isti period 2011. godine) i to zbog sljedećih djela: teška tjelesna povreda (dva djela), lahka

tjelesna povreda (tri), nasilničko ponašanje (pet), teška krađa na naročito drzak i opasan način (pet), krađa (tri), posjedovanje opojne droge (tri), krivotvorenje isprave (dva), ugrožavanje sigurnosti (dva), razbojništvo (jedno), iznuda (jedno) i nesavjesno čuvanje pasa (jedno djelo).

U proteklom periodu registrovan je jedan slučaj narušavanja javnog reda i mira u većem obimu tučom većeg broja navijača FK „Maribor“ iz Slovenije i nepoznatih lica sa područja Sarajeva. Prilikom razdvajanja sukobljenih strana jedan policijski službenik zadobio je teške, a drugi lahke tjelesne povrede, a oštećeno je i službeno vozilo MUP-a KS. Takođe, nastupila je materijalna šteta na nekoliko ugostitejskih objekata.

SAOBRAĆAJ

Tokom perioda januar –septembar 2012. godine, u odnosu na isti period prošle godine, u oblasti saobraćaja povećan je broj saobraćajnih nezgoda i nezgoda sa materijalnom štetom, dok je smanjen broj nezgoda sa nastradalim licima, broj poginulih i povrijeđenih lica.

Registrovane su 7.392 saobraćajne nezgode (275 ili 3,9 % više), 6.786 sa materijalnom štetom (303 ili 4,7 % više) i 606 sa nastradalim licima (28 ili 4,4 % manje).

U naselju su registrovane 7.104 saobraćajne nezgode (osam sa poginulim, 562 sa povrijeđenim licima i 6.534 sa materijalnom štetom), van naselja 288 nezgoda (četiri sa poginulim, 32 sa povrijeđenim licima i 252 sa materijalnom štetom).

Registrovano je 1.137 saobraćajnih nezgoda na raskrsnicama u naselju, osam na raskrsnicama van naselja, pet na pješačkom prelazu, tri na nadvožnjaku, tri na prelazu preko željezničke pruge, dvije u tunelu i 6.234 saobraćajne nezgode čije se karakteristike ubrajaju u kategoriju ostalih.

Tabelarni pregled saobraćajnih nezgoda i posljedica na području Kantona Sarajevo
januar –septembar 2012/2011. godine

	2012	2011	+, -, %
UKUPNO SAOBRAĆAJNIH NEZGODA	7.392	7117	+ 275 ili 3,9 %
Saobraćajne nezgode sa nastradalim licima	606	634	- 28 ili 4,4 %
Saobraćajne nezgode sa materijalnom štetom	6.786	6.483	+ 303 ili 4,7 %
POGINULO LICA	13	24	- 11 ili 45,8 %
- vozači	3	7	-4 ili 57,1 %
- putnici	2	7	- 5 ili 71,4 %
- pješaci	8	10	- 2 ili 20 %
POVRIJEĐENO LICA	791	827	- 36 ili 4,3 %
- vozači	348	358	- 10 ili 2,8 %
- putnici	225	284	- 59 ili 20,8 %
- pješaci	218	185	+ 33 ili 17,8 %

Od ukupno 13 poginulih lica: 8 je pješaka, 3 vozača i 2 putnika. Tri vozača poginula su u saobraćajnim nezgodama koje su se dogodile na području općina Centar – jedan, Vogošća – jedan i Ilijaš – jedan. Dva putnika poginula su u saobraćajnoj nezgodi koja se dogodila na području općine Ilijaš.

Od ukupno 791 povrijeđenog lica, 348 je vozača (10 manje), putnika –225 (59 manje) i pješaka – 218 (33 više). Kada je u pitanju stepen povreda, 38 vozača je teže, a 310 lakše povrijeđeno. Dvadeset devet putnika je teže, a 196 lakše povrijeđeno, dok je 61 pješak teže i 157 lakše povrijeđeno.

Broj nastradalih lica u saobraćajnim nezgodama po kategoriji učesnika
januar – septembar 2012/2011. godine

	POGINULI			TEŠKO POVRIJEĐENI			LAKŠE POVRIJEĐENI		
	2012	2011	+, -, %	2012	2011	+, -, %	2012	2011	+, -, %

VOZAČI	3	7	- 4 ili 57,1 %	38	48	- 10 ili 20,8 %	310	310	isto
PUTNICI	2	7	- 5 ili 71,4 %	29	15	+ 14 ili 93,3 %	196	269	- 73 ili 27,1 %
PJEŠACI	8	10	- 2 ili 20 %	61	42	+ 19 ili 45,2 %	157	143	+ 14 ili 9,8 %
UKUPNO	13	24	- 11 ili 45,8 %	128	105	+ 23 ili 21,9 %	663	722	- 59 ili 8,2 %

Starosna struktura lica povrijeđenih u saobraćajnim nezgodama je sljedeća: od 31 do 40 godina – 167 lica, od 25 do 30 godina – 140 lica, od 21 do 24 godine – 111 lica, itd.

Posmatrano po kategorijama puta, najveći broj saobraćajnih nezgoda registrovan je u ulicama u naselju – 6.077 nezgoda gdje je 601 lice nastradalo (osam lica poginulo i 593 povrijeđena). Na magistralnim putevima registrovano je 738 saobraćajnih nezgoda u kojima je 109 lica nastradalo (pet lica poginulo, 104 povrijeđena), na lokalnim putevima 239 nezgoda (38 lica povrijeđeno), na regionalnim putevima – 128 nezgoda (25 lica povrijeđeno) i na putevima koji se ubrajaju u kategoriju ostalih – 210 saobraćajnih nezgoda sa 31 povrijeđenim licem.

3.1. UZROCI SAOBRAĆAJNIH NEZGODA

Osim ostalih uzroka (6.195), koji su za posljedicu imali sedam poginulih i 468 povrijeđenih lica, najčešći uzroci saobraćajnih nezgoda bili su: neprilagođena brzina – 1.038 (pet lica poginulo i 278 povrijeđeno) i uticaj alkohola – 155 (jedno lice poginulo, 40 lica povrijeđeno). Uticaj opojnih droga izazvao je tri saobraćajne nezgode u kojima je pet lica povrijeđeno, dok je odron na putu izazvao jednu saobraćajnu nezgodu sa materijalnom štetom.

3.2. AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su tokom izvještajnog perioda kontrolisali ukupno 186.082 vozila (11.518 manje).

Zbog tehničke neispravnosti, iz saobraćaja su isključena 433 vozila (105 više), 3.822 vozača su zatečena da upravljaju vozilom pod dejstvom alkohola (212 manje), 8.568 bez korištenja sigurnosnog pojasa (297 manje), 2.367 bez položenog vozačkog ispita (533 više), a 2.120 vozača je učestvovalo u saobraćaju bez važeće registracije (118 više).

Zbog kršenja propisa iz oblasti sigurnosti saobraćaja uručeno je 109.237 prekršajnih naloga vozačima (6.274 manje), podneseno 270 zahtjeva za pokretanje prekršajnog postupka (12 manje) i registrovano 46 krivičnih djela zbog ugrožavanja sigurnosti javnog prometa (13 manje).

3.3. MIRUJUĆI SAOBRAĆAJ I KONTROLA PJEŠAKA

U periodu januar-septembar 2012. godine, pripadnici Uprave policije su uručili 27.844 prekršajna naloga vozačima koji nisu poštivali saobraćajne propise prilikom parkiranja (5.530 više u odnosu na isti period prošle godine), upozorili 3.931 vozača (190 manje), a specijalnim vozilom „pauk“ premjestili 2.026 vozila (117 više). Zahtjeva za pokretanje prekršajnog postupka nije bilo. Takođe, upozoreno je 818 pješaka (63 manje) i uručeno 548 prekršajnih naloga (263 manje). Zahtjeva za pokretanje prekršajnog postupka nije bilo.

4. ZAKONITOST U RADU

U periodu januar- septembar 2012. godine registrovana su 23 napada (pet manje) na policijske službenike u kojima je učestvovalo 31 lice. Napadi su izvršeni na policijske službenike: Druge PU – sedam, Prve PU – šest, Četvrte PU – pet, MUP Kantona u sjedištu – tri, Treće PU – jedan i Pete PU – jedan napad.

- Policijski službenici su tokom izvještajnog perioda 39 puta opravdano upotrijebili silu.

U toku perioda januar-septembar 2012. godine, registrovano je 250 predstavki, među kojima je za 86 predstavki (16 manje) data saglasnost za sprovođenje unutrašnjih istraga, za 158 je donesen zaključak da su neosnovane, u tri slučaja stranka je odustala od žalbe, u jednom slučaju je zatraženo izjašnjenje, u jednom slučaju dostava informacije, dok se u jednom slučaju radi o zastari. Postupano je po 14 predstavki iz ranijeg perioda, tako da su vođene istrage za ukupno 100 predstavki (23 manje). Okončano je 78 predstavki, među kojima u 31 slučaju nije bilo dovoljno dokaza, u 22 slučaja predstavke su osnovane, u 22 slučaja neosnovane, dok je u tri slučaja stranka odustala od žalbe. Uz saglasnost Ureda za pritužbe javnosti, postupano je po 170 raznih akata koji nisu imali karakter predstavke.

4.2. STRATEGIJA BORBE PROTIV KORUPCIJE

Uprava policije je tokom perioda januar-septembar 2012. godine, nastavila sa implementacijom Strategije borbe protiv korupcije u Upravi policije Ministarstva unutrašnjih poslova Kantona Sarajevo. U izvještajnom periodu je registrovano 12 žalbi koje se odnose na postojanje osnova sumnje da je počinjeno krivično djelo navedeno u Strategiji borbe protiv korupcije.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U periodu januar – septembar 2012. godine evidentirano je 76 krivičnih djela koja su regulisana Zakonom o nabavljanju, držanju i nošenju oružja i municije (11 manje), počinjenih od strane 81 izvršioca, od kojih je 35 lišeno slobode.

Od strane Policijskih uprava fizičkim licima izdato je 541 odobrenje za nabavku vatrenog oružja (34 ili 5,9% manje), 756 oružnih listova i izvršene 303 zamjene oružnih listova za fizička lica.

U sklopu aktivnosti na oduzimanju nelegalno posjedovanog oružja i drugih predmeta oduzeto je: 112 pištolja, 34 puške, 27 ručnih bombi, 93 noža ili druga oštra predmeta, 88 petardi, četiri boksera, 2.453 kom. municije, itd. Takođe, u ovom periodu organizacione jedinice Ministarstva, u saradnji sa štabovima Civilne zaštite, EUFOR-om, EUPM-om i Oružanim snagama BiH, aktivno su učestvovala u realizaciji akcije "ŽETVA 2012" s ciljem prikupljanja minsko-eksplozivnih sredstava, oružja, municije i druge vojne opreme.

U navedenoj akciji između ostalog prikupljeno je slijedeće naoružanje:

- ručne bombe – 110 komada.,
- mine, granate i sl – 33 kom.,
- pištolji – 45 kom.,
- puške – šest kom.,
- municija raznog kalibra – 3.622 kom., itd.

RAD POLICIJE U ZAJEDNICI

U periodu januar-septembar 2012. godine u okviru Rada policije u zajednici obavljane su brojne aktivnosti sa ciljem što efikasnije povezanosti i partnerstva policije i zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast, sagledavano stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada u ovoj oblasti.

Između niza aktivnosti koje su provođene u cilju što uspješnije realizacije Rada policije u zajednici i unapređenja saradnje sa društvenom zajednicom, izdvajamo sljedeće:

- Pokrenute su aktivnosti na sprovođenju projekta „Jačanje bilateralnih odnosa između policije i organizacije civilnog društva u zaštiti ljudskih prava i primjeni zakona“;
- U saradnji sa Centrom za suvremene inicijative preduzete su aktivnosti sa ciljem koordiniranog zajedničkog sudjelovanja na realizaciji projekta „Mladi i droga“ sa ciljanom grupom učenika osnovni škola na području Kantona Sarajevo;
- Ostvarivani su kontakti sa Vijećem roditelja u cilju animiranja roditelja za sudjelovanje u procesima u školama i u radu policije u zajednici;
- Održavani su radni sastanci sa predstavnicima općinskih službi socijalnog rada JU Kantonalni centar za socijalni rad, Centra za mentalno zdravlje, te psihologa, pedagoga i socijalnih radnika osnovnih i srednjih škola u cilju izgradnje mreže prevencije i rješavanja evidentiranih problema u neprilagođenom ponašanju jednog broja učenika;
- Pokrenut je projekat-kampanja pod nazivom „Neka znanje bude tvoje jedino oružje“ čiji je osnovni cilj da se građani, a posebno učenici educiraju i da im se skrene pažnja na zabranu nošenja vatrenog i hladnog oružja, kao i na moguće posljedice
- U cilju efikasnog provođenja aktivnosti u okviru Rada policije u zajednici nastavljena je uspješna saradnja sa Švicarskom agencijom za razvoj i saradnju (SDC), koja će ubuduće donirati manje novčane iznose za podršku provođenju projekta „Probna policijska stanica“, za koju je ranije odabrana PS Novi Grad;
- U sklopu šireg programa „Rad policije u zajednici“ policijski službenici bili su angažovani na realizaciji manifestacije Kid's festival, s čim u vezi je utvrđen plan aktivnosti MUP-a KS, distribuirani plakati u cilju obavještanja osnovnih škola o održavanju Kid's festivala i preduzimane druge aktivnosti kako bi festival protekao u najboljem redu. Kao dio aktivnosti rada policije u zajednici policijski službenici su iskoristili ovu priliku za druženje sa djecom, za predstavljanje svoga rada i edukaciju djece o sigurnosti u saobraćaju i drugim pitanjima iz oblasti svoga rada;
- Policijski službenici su sudjelovali u manifestacijama Open Fun Football Schools (OFFS) u Vogošći i „Family day“ u Novom Sarajevu, iskoristivši i ovu priliku da prisutne upoznaju sa aktivnostima koje se provode u okviru Rada policije u zajednici.

Sarajevo, 22.10.2012.godine

**Odsjek za odnose s javnošću
MUP-a Kantona Sarajevo**